

# NEVADAKO ARTZAINA

¿Nungoa ote degu "Nevadako Artzaina"?  
¿Baigorri aldekoa? Aldude'koak geintsu joaten bai dira Nevada, Norfe-Amérika'ko desertu urruti sietara. Dana dala, olerkari bikafia Nevadako auxa.

## NEVADATIK

### 1

Hemeretzi ehun-ta berrogoi-ta zortzian,  
Sor lekhua utzi dut adin ederrian.  
Orain hemen naiz bizi Nevada-mendian,  
Gogoa ilhun eta penak bihotzian,  
Desertuetan artzain bakhartasunian.

### 2

Bakhartasuna eta sor lekhutik urrun;  
Pena haundiagorik ba othe da iñun?  
Nehor ikusi gabe zazpi zortzi egun.  
Etcherik ere bixtan ezpaita ezagun.  
Gau-egun oroz nago arthaldea lagun.

### 3

Hamar manamendutan hau hirugarrena:  
Jaunaren zerbitzuko igande eguna;  
Mezaren entzutea manatzaren daukuna:  
Artzain batek mendian ezin dezakena,  
Horrek emaiten deraut bihotzian pena.

### 4

Iruzkia distirant agertzen zerutik,  
Bainan hak ere ez du berotzen hambatik,  
Haizea xixtuz doa hotz eta azkarrik:  
Oihalez dut etchola: nekez dago xutik:  
Noiztenka airatzen daut guzia errotik.

### 5

Desertu hok ez dira nola nahikuak,  
Eskualdunentzat dira espres beiratuak;  
Ez dira yostatzeke hemengo lekhuak.  
Aise ordaintzentugu urtheke gastuak,  
Deusik ere ez dauku khentzen ostatuak.

### 6

Lagunak banituen jiteko bidian,  
Orai barreatuak eremu haundian:  
Heien berririk ez dut yuan den espaldian.  
Berantetsia nago hemen errabian,  
Kantuz ukhanen ditut hek ere agian!

## 7

Gure nahiz baigira gu hemen gerthatu,  
Lan eginaz ez zauku ez behar dolutu,  
Ni segurik ez naute nehork enganatu,  
Neure ideyak ditut holaxe komplitu,  
Orai hartu saillari beharko segitu.

## 8

Goraintzi urrunetik herritarrendako,  
Horgo orhoitzapenak ez tut ahantziko.  
Zombait urtheño ditut hemen phasatuko,  
Hitzemaiten dauziet huntaz segur nago:  
Ni segurik ez naiz ez hemen zahartuko.

